

GrønlandsBANKEN-ip kukkunersiuinermut ataatsimiititaliaq pillugu pisinnaatitsissutai

1. Aallarniut

- 1.1. Kukkunersiuinermut Ataatsimiititaliaq siulersuisut ataatsimiititaliaaraat taamaallaat aalajangiussassanik, siulersuisut tamarmiullutik aalajangiiffigisassaannik piareersaasartussa.
- 1.2. Kukkunersiuinermut ataatsimiititaliamik pilersitsinerup paasissutissat pingaarutillit, siulersuisunut ilaasortanut tamanut ingerlasussat, taamaallaat kukkunersiuinermut ataatsimiititaliamut ingerlatinneqartarnissaat kingunerissanngimmagu tamanna siulersuisut ilaatigut pisinnaatitsissut manna aqqutigalugu qularnaarpaat.
- 1.3. Pisinnaatitsissut una ukiut tamaasa siulersuisunit misissorneqartarpoq, naleqqussarneqartarpoq akuersissutigineqartarlunilu. Allannguutissatut siunnersuutiniq siulersuisunut ilaasortat arlaannulluunniit, imaluunniit kukkunersiuinermut ataatsimiititaliami ilaasortanut tunniussisoqarsinnaavoq.
- 1.4. Kukkunersiuinermut ataatsimiititaliaq siulersuisutuulli oqaatigeqqunngisanut aalajangersakkat tunngavigivaat.

2. Pilersitsineq siunertarl

- 2.1 Kukkunersiuisut aamma kukkunersiuinermik suliffeqarfiit akuerisaasut pillugit inatsimmi § 31 aamma siulersuisut suleriaasiat naapertorlugit siulersuisut aalajangerpaat, kukkunersiuinermut ataatsimiititaliap suliaasai siulersuisut tamarmiullutik suliarisassagaat. Kukkunersiuinermut ataatsimiititaliaq pillugu pisinnaatitsissummi matumani aalajangersakkat taamaattumik ataatsimut atuupput.
- 2.2 Pisinnaatitsissummi matumani kukkunersiuinermut ataatsimiititaliap suliaasai oqartussaaffilu aalajangerneqarput.
- 2.3 Kukkunersiuinermut ataatsimiititaliap sulinerata siunertaraa, GrønlandsBANKEN-ip naatsorsuinermik suliaqarneq, illup iluani nakkutiginninnermik systemit aamma kukkunersiuinerit inatsisit naapertorlugit aqqissuunneqarsimanersut ingerlaavartumik nakkutigalugillu nalilersornissai. Ilanngullugu ataatsimiititaliap misissorlugulu nakkutigissavaa kukkunersiuisup attuumassuteqannginnera kiisalu taasinissamut kukkunersiuisumik toqqaaneq inassuteqarnerlu pillugit suliamut akisussaasuussalluni.
- 2.4 Kukkunersiuinermut Ataatsimiititaliap akuerisarpai akiliutit kukkunersiuinermut tunnganngitsut ilanngussaq 1 naapertorlugu akuerisaariingitsut tamaasa, kiisalu nakkutigalugu taakku kukkunersiuinermi akissarsiarititat ataatsimut 70 %-ii sinninngikkai. Tassani kukkunersiuinermut ataatsimiititaliap nakkutigisarpaa, ileqquusumik ataatsimeersuarnermi kukkunersiuisup toqqarneqartup ataatsimut akissarsiaasa 15 %-ii sinnerlugit aningaaserivimmul sullissinermiit akissarsiarinngikkai.

3. Kukkunersiuinermut ataatsimiititaliami ilaasortat

- 3.1 Ataatsimiititaliami ilaasortat, ilaatigut ataatsimiititaliap siulittaasua, GrønlandsBANKEN-ip siulersuisuinit taakkulu akornanni toqqarneqassaaq.
- 3.2 Ikinnerpaamik ilaasortaq ataaseq GrønlandsBANKEN-imut attuumassuteqartussanngilaq aammalu naatsorsuuserinermut, kukkunersiuinermut aarlerinartunillu aqutsinermut tunngasunik piginnaasaqartuussalluni, ilaatigut IFRS malillugu naatsorsuutiniq suliaqarnermik misilittagaqartuulluni imaluunniit allamik naleqquttumik misilittagaqarluni ilinnigaqarsimallunilu.
- 3.3 Ataatsimiititaliaq aalajangiisinnaassuseqassaaq, ilaasortat tamarmik affai, kisiannili ikinnerpaamik ilaasortat ataatsimeersuarnermi toqqarneqartut affai aalajangiinermi peqataappata.

4. Kukkunersiuinermut ataatsimiititaliap ataatsimiittarneri

- 4.1 Ataatsimiinnerit ingerlanneqartarput ima akulikitsigisumik siulittaasup pisariaqartutut isigippagu, minnerpaamillu ukiumut sisamariarluni. Siulersuisoq ataatsimiigiaqqusisarpooq, tassungalu ilanngullugu oqaluuserisassat allattorsimaffiat

- 4.2 Suliffeqarfiup iluani kukkunersiuinermut pisortaq aamma suliffeqarfiup avataani kukkunersuiisoq kiisalu kukkunersiuinermut ataatsimiititaliamut ilaasortat tamarmik aamma kukkunersiuinermut ataatsimiititaliamik ataatsimiigiaqqusisinnaapput.
- 4.3 Ataatsimiinnerit sapinngisamik siulersuisut ataatsimiinnissaat sioqqullugit ingerlanneqartarput, taamaalillutillu siulersuisut GrønlandsBANKEN-ip ukiumoortumik nalunaarusiaa, ukiup affaanut nalunaarusiaa, kvartalikkaartumik nalunaarusiai imaluunniit aningaasarsiorneq pillugu nalunaarusiat allat, kukkunersuiisup kukkunersuisut nalunaarusiaannik tunniussinissaa sioqqullugu oqaluuserereerlugillu akuersissutigereersinnaavaat.

5.1. Kukkunersiuinermut ataatsimiititaliami ataatsimiinnerni ataatsimiititaliami ilaasortat peqataasarput, ataatsimiigiaqqusinikkut pisortaq, naatsorsuinermi pisortaq, illup iluani kukkunersuinermi pisortaq, avataani kukkunersuisoq kiisalu allatsi peqataasarput.

5.5. Siulersuisunut ilaasortat allat, pisortaq, naatsorsuinermi pisortaq, illup iluani kukkunersuinermi pisortaq, avataani kukkunersiuisoq kiisalu sulisut attuumassuteqartut ataatsimiinnernut ilaanissamut pisussaaffeqarput, ataatsimiititaliamit ataatsimiigiaqquneqarunik.

5.7. Ataatsimiititaliap ataatsimiinnerisa kingorna tamatigut ataatsimiititaliami ilaasortanut imaqarniliamut missingiut nassiunneqartarpoq. Ataatsimiititaliami ilaasortat imaqarniliamut tassunga oqaasissaqarunik, taakku sapinngisamik piaarnerpaamik allatsimut nalunaarutigissavaat, tamatumani siunertaralugu imaqarniliap inaarutaasup siulersuisuni ataatsimiinnissamut tulliuuttumut imaluunniit taassuma tullianut nassiunneqarnissaa.

6.2. Siulersuisut ataatsimiititaliap qullersarai kiisalu aalajangiinissamut siunnersuutiniq akuersissutigisassatut inassuteqarsinnaavoq. Kukkunersiui nermut ataatsimiititaliaq namminersorluni aalajangiisinaanngilaq taamaattumillu taamaallaat aalajangiinerit, siulersuisunut inassuteqarnernut tunngasut aalajangiiffigisinnaallugit. Aalajangiinerit taamaattut nalinginnaasumik amerlanerussuteqarnikkut aalajangerneqartarput. Taasinerit naliqippata ataatsimiititaliami siulittaasup taasineri aalajangiisuusaaq.

6.4 Kukkunersiui nermut ataatsimiititaliaq aningaasanik aamma atortussanik atukkerneqassaaq, kukkunersiui nermit ataatsimiititaliap suliassanik naammassinninnissamut pisariaqartutut naammaginartumik missingiussaani.

7. *Kukkunersuinermut ataatsimiititaliap suliaasai*

Kukkunersuinermut ataatsimiititaliap suliaasai tassaapput:

7.1. *naatsorsuutininik saqqummiussinerup ingerlanerata nakkutiginnissaa aamma nalilersornissaa, kiisalu makku tatiginassusai qulakkeerniarlugit piumasaqaatinik imaluunniit siunnersuutininik saqqummiussineq:*

- Ukiuortoortumik nalunaarusiaq, naatsorsuinermit tunngaviit aamma naatsorsueriaaseq pillugit pissutsinik pingaarutilinnik misissuineq – matuma ataani ingerlatseqatigiiffiup taasinerini aamma naatsorsuinermit tunngavinnik atuinermit allannguutininik annertuunik
- Ukiup affaanut nalunaarusiaq, ukiuortoortumik nalunaarusiap ataaniittoq takuuk
- Kvartalimut nalunaarusiaq, ukiuortoortumik nalunaarusiap ataaniittoq takuuk
- GrønlandsBANKEN-ip naatsorsuutininik saqqummiussisarnermut tunngatillugu malittarisassaasa suleriaasiatalu nalilersornissaat,
- Missingersuutit, missiliutit il.il. taakkunungalu tunngaviusut nalilersornissaat,
- Naatsorsuutininik saqqummiussinermut tunngatillugu aqutsisut nalunaarusiaata tassungalu tunngaviusut nalilersornissaat.

7.2. *GrønlandsBANKEN-ip suliffeqarfiup iluani nakkutilleeriaasia, suliffeqarfiup iluani kukkunersuinerup aamma aarlerinaateqarsinnaasunik aqutseriaatsit sunniuteqarluartumik ingerlanerininik nakkutiginninneq, aningaaserivimmi naatsorsueriaaseq eqqarsaatigalugu, namminersorsinnaassuseq unioqqutinnagu:*

Suliffeqarfiup iluani nakkutilleeriaatsimik nakkutiginninneq

- Allaffissornermik naatsorsuuserinermillu ingerlatsinermik nalilersuineq,
- Controllingimut atuuffik pilersinnissaanut atorfissaqartitsineq nalilersuineq
- Suliffeqarfiup iluani ingerlatseriaatsimik misissuineq nalilersuinerlu,
- Suliffeqarfiup iluani avataanilu kukkunersuiusut nalunaarusiaannik misissuineq, kiisalu suliffeqarfiup iluani nakkutilliilluni nalunaarusianik sanngiiffiusinnaasunillu nalilersuineq,
- Qullersaqarfiup nakkutilliissutinik sanioqqutsisinnaanera tassungalu atatillugu naatsorsuutininik saqqummiussinermut (naleqqutinngitsumik) sunniuteqarsinnaaneranik nalilersuineq,
- GrønlandsBANKEN-ip suleriaasianik aqutsisullu peqquserluutininik pinaveersaartitsillutik qulaajaaniarlutillu suleriaasiannik nalilersuineq,
- Aqutsisut nalunaarusiaanni GrønlandsBANKEN-ip suliffeqarfiup iluani nakkutilleeriaasianut aarlerinarsinnaasunillu aqutsineranut tunngasuni immikkoortunik pingaarnernik nalilersuineq,
- Suliffeqarfiup iluani nakkutilliinerup nukittorsarneqarsinnaanera pillugu siulersuisunut inassuteqaataasinnaasut.

Suliffeqarfiup iluani kukkunersuinermit nakkutiginninneq

- Suliffeqarfiup iluani kukkunersuikannik avammut suliaakkiissutigineqartunik nalilersuineq,
- Kukkunersuinermut pisortaq ukiuortoortumik nalunaarusiaq uppersarsarlugu atsiussanersoq nalilersorlugu,
- Suliffeqarfiup iluani kukkunersuiusut pisortaata oqaaseqaataanik misissuineq, suliffeqarfiup iluani kukkunersuisut pisortaata oqaaseqaatigippagu, tak. qulaani taaneqartoq,
- Suliffeqarfiup iluani kukkunersuiusup suliassaanik nassuiaateqarneq kukkunersuinerlu pillugu isumaqatigiissummik misissuineq,
- Suliffeqarfiup iluani kukkunersuiusup pisinnaasaanik, attuumassuteqannginneranik aammalu suliap naammassinnaasut naammattumik tunuliaquteqarneranik misissuineq, taamak iliornerup ataani ilanngullugu illup iluani kukkunersuiusup missingersuutaanik inuttalersugaaneranillu misissuineq,
- Suliffeqarfiup iluani kukkunersuiusoq peqatigalugu naatsorsuuserinermi tunngavinnik pingaarnernik periarfissaasinnaasunillu allanik oqaloqatigiissutiginninneq,
- Suliffeqarfiup iluani kukkunersuiusoq peqatigalugu kukkunersuinnikkut naatsorsuuserinnikkullu missingiutinik pingaarnernik oqaluuserinninneq,

- Kukkunersiuinermi protokollatinik misissuineq, suliffeqarfiup iluani kukkunersuiisup eqikkaanera oqaaseqaataalu aammalu ukiumi pineqartumi naatsorsuutitut oqaaseqaatit, kukkunersiuinermut protokollatitut ilanngullugit tunniunneqarsimasut ilaatigut kukkunersiuinermut protokollatissamut missiliummik tunngavillit ilanngullugit.

Aarlerinaateqarsinnaasunik aqutsinermut nakkutillieeriaatsinik nakkutiginninneq

- Aarlerinaateqarsinnaasunik aqutsineq pillugu aqutsisyt maleruagassatut suleriaasissatullu pilersissimasaannik taakkunanngalu aqutsisut nakkutiginninnerinik nalilersuineq

7.3. Inatsisit malillugit ukiumoortumik naatsorsuutininik misissuinerinik il.il. nakkutillieeria, tamatumani kukkunersiuinermi suliffeqarfiup pitsaassutsimik nakkutillieerata kingullugit inernerit eqqarsaatigineqarmata:

- Suliffeqarfiup avataani kukkunersuiisup piginnaasaanik nalilersuineq,
- Kukkunersiuinermi isumaqatigiisummik aamma kukkunersiuinermi akissarsiamik misissuineq,
- Suliffeqarfiup avataani kukkunersuiisup qinigaqqinneranik/qinigaaneranik nalilersuineq,
- Suliffeqarfiup avataani kukkunersuiisup kukkunersuiinissaq pillugu periusissiaannik aamma pilersaarutaannik kiisalu ilimanassutsip annertussusissaa eqqarsaatigineqartoq pillugit misissuineq,
- Suliffeqarfiup avataani kukkunersuiisup peqatigalugu naatsorsuusiortarnermik tunngavinnik pingaarnernik naatsorsuusiortarnikkullu periarfissaasinnaasunik allannik oqaluuserinninneq,
- Kukkunersiuinermut atatillugu aarlerinaatit annertuut paasineqartut pillugit kukkunersuiisumik oqalliseqateqarneq
- Suliffeqarfiup avataani kukkunersuiisup peqatigalugu kukkunersuiisarnermi naatsorsuusiortarnermilu missingiisarnernik pingaarnernik oqaluuserinninneq,
- Kukkunersiuinermi protokolatinik, ilaatigut suliffeqarfiup avataani kukkunersuiisup taakkuninnga eqikkaalluni naliliinerinik aammalu ukiumi pineqartumi naatsorsuutininik eqikkaaneq pillugu oqaaseqaatinik ukiunilu qaangiuttuni nalunaarusiaasimasut tunngavigalugit protokolatiarineqarsimasunik ilaatigut kukkunersuiisup protokolatisaanut missiliuutaannik tunngaveqartunik misissuineq.
- Suliffeqarfiup avataani kukkunersuiisup allattugaannik misissuineq.

Kukkunersuiisup suliaasa pitsaasusiinik nakkutillieerimik inerniliussaq nutaanerpaaq ataatsimiittitaliap inatsisit naapertorlugit kukkunersuiinissap tamatumalu ingerlanneqarneranik naliliinera ilanngunneqassapput.

7.4 kukkunersuiisup arlaannut attuumassuteqannginneranik nakkutiginninneq nakkutillieerlu, tak. kukkunersuiisut pillugit inatsimmi §§ 24- 24c kiisalu EU-p kukkunersuiisut pillugit peqqussutaani nr. 537/2014, 16. april 2014-imeersoq tamat soqutigisai pillugit suliffeqarfiit kukkunersuiinerinnut piumasaqaatit aalajangersimasut pillugit artikel 6, aamma kukkunersuiinerup saniatigut kukkunersuiisup sullissinnerinik allannik tunniussinneranik akuersineq, tak. artikel 5 EU-p kukkunersuiisut pillugit peqqussutaa :

- Kukkunersuiinikkut kukkunersuiinannilu sullissinnerinik, suliffeqarfiup avataani kukkunersuiisup suliarisaannik misissuineq,
 - Suliffeqarfiup avataani kukkunersuiisup arlaannut attuumassuteqannginneranik nakkutiginninnerinilu nakkutillieeria.
- 7.4. Taasinissamut kukkunersuiisumik toqqaariaatsimut inassuteqarnermullu akisussaasuineq una naapertorlugu artikel 16, EU-mi kukkunersuiisut pillugit peqqussut nr. 537/2014, 16. april 2014-imeersoq tamat soqutigisai pillugit suliffeqarfiit kukkunersuiinerinnut piumasaqaatit aalajangersimasut pillugit:*
- Kukkunersuiisup avataaneersup piginnaasaanik naliliineq,
 - kukkunersuiisumik avataaneersumik toqqaqqinnissamut/nutaamik toqqaanissamut naliliineq
 - kukkunersuiisumik toqqaanissamut inassuteqarneq,
 - -Nutaamik toqqaanermi suliarinnittussarsiuussineq sioqqullugu suleriaaseq/ukiut 10 sinnerlugit kukkunersuiisorisamik nutaamik taasineq

7.6. ESG-p aamma piujuartitsinerup iluani pissutsinik malinnaaneq, suliasaqarfiup iluani inatsisissat nutaat aamma nalunaarusiat nutaat aggersut malittariniarlugit.

8. Siulersuisunut nalunaarusiorneq

- 8.1 Kukkunersiuinermut ataatsimiititaliap ataatsimiinnerini imaqarniliortoqartassaaq, taakkulu siulersuisunut tamarmiusunut takuneqarsinnaalersinneqassapput.
- 8.2 Imaqarniliat siulersuisut ataatsimiinneranni tullermi oqaluuserineqartassapput.
- 8.3 Siulersuisut ataatsimiinnerat sioqqullugu kukkunersiuinermut ataatsimiititaliap ataatsimiinnerat naammassippat ataatsimiinnilersaarutaagallartoq oqaasiinnakkut siulersuisunut ingerlateqqinneqarallarsinnaavoq (siulersuisunut ilaasortat kukkunersiuinermut ataatsimiititaliap ataatsimiinneranut ilaasimangippata).

9. Saqqummiussineq

- 9.1. Aningaaseriviup nittartagaani kukkunersiuinermut ataatsimiititaliaq pillugu pisinnaatitsissut saqqummiunneqassaaq
- 9.2. Ukiu moortumik nalunaarummi aqutsisut nalunaarutaanni tulliuttut nalunaarutigineqartassapput
 - ataatsimiititaliap suliai pingaarutillit aamma ukiup ingerlanerani ataatsimiinnerit amerlassusai,
 - ataatsimiititaliami ilaasortat aqqi, matuma ataani siulittaasup aamma ilaasortat attuumassuteqannginnerat
 - Siulersuisuni ilaasortat ataatsimiititaliami ataatsimiinnernut peqataaneri

10. Allannguutit

- 10.1. Pisinnaatitsissummi matumani allannguutit qaqugukkulluunniit siulersuisuni amerlanerussuteqarnikkut allanngortinneqarsinnaapput

11. Imminut naliliiffigineq

- 11.1. Kukkunersiuinermut ataatsimiititaliap piffissami aggersumi sulinissap aaqqissuunnissaa siunertaralugu sulinermi sunniuteqassusaa ukiu moortumik nalilersortarpaa.

Siulersuisut ataatsimiinneranni 13. maj 2025-mi akuersissutigineqarpoq